

畿輔通志卷一百七十九

略一百三十四

古蹟二十六

寺觀二 順天二

順天府

良鄉縣

宏恩寺在縣西南二十里明萬厯年建

縣志

康熙五十七年重

修乾隆七年燬於火奉

旨修復

日下舊聞考

壽因寺在縣境

大清一統志

天王寺在縣治東南

縣志

郭紳良鄉天王寺詩驛路絕浮埃城闐寶殿開諸天朝魏闕六道接燕

臺珠樹鶴飛去金蓮龍駕來晨鐘促征客結駟入蓬萊

護國寺在琉璃店東北

雍正志

有慶寺在郊勞臺西

縣志

乾隆二十五年建

日下舊聞考

多寶佛塔在縣治東三里料石岡隋建方輿紀要按料石岡之料

亦作燎佛塔今尙存

舊聞考

塔在燎石岡之東五級玲瓏高

十五丈四面有門階級環上唐尉遲敬德修

縣志袁宏道月夜登塔岡詩

秋山漱漱滴青霧城外人家城裏樹白埃一道衝紅亭正是馬蹄離別處

固安縣

三佛寺在縣治西置僧會司於內

雍正志

龍泉寺在知子營元至正間修有記

縣志

興化寺普安禪師至溫於固安作興化寺

道園學古錄

崇寺久廢

日下

舊聞考

雀臺寺在縣西南十八里

雍正志

謹案縣志雀臺高丈餘世傳李牧守邊時將臺也則寺即

臺之故址將雀蓋音近而譌

宏仁寺在縣南郭村

縣志 明楊應中寺碑記略予萬厯己亥倦遊返里治別墅在邑南之郭村村

東南隅有寺曰宏仁其創建不可考蓋古刹也歲久傾圯重以河水浸淫棟宇委頓沙泥中住持僧如才蒿目疚心志欲新之乃奔告四方望門乞請積十餘年得金千兩有奇遂鳩工庀材卜吉營造託燕廷科董其事中建大殿三楹極工師之選左右伽藍祖師殿豎山門門臨東西大徑後為禪堂僧舍其佛像皆飾純金莊嚴妙相儼然如臨壁施五彩輝煌耀目外環高垣周匝數百武善人廷科等復捐地五十六畝以供香火數十年殘破之區頓成勝概事竣屬余為記

興國寺在縣南十里黃垆明正德十年建

同上

法華寺在縣南二十五里白垆重熙間重修有記

同上

慶圓寺在新務距縣二十五里元皇慶元年有湛然同寂碑

銘

同上

興福寺在知子營錢塘吳謙有記

同上

石佛寺在城東二十里永定河北德義鄉康熙間相傳河水

漲溢漂流石佛像九尊止於是村眾異之構殿祀焉累著靈

蹟今佛像每逢陰雨則通身皆潤遍體如汗滴則天必大雨

同上

慧峯寺在縣林城村距城五十里遼大安七年學士王鼎有

塔記崇禎二年修進士葛逢夏有記

同上

靈覺寺在縣南十八里北城村

同上 明邑令秦士奇重修寺記略固安縣南十八里許

地名北陳村有寺曰靈覺始於我明世宗之三年其地延袤約八畝因創為梵宇於其端設像釋伽佛居之村人歲時瞻禮肅供至神宗二十三年廟貌漸頽有孟應武等目覩慨然合社醵金約以干計自天啟二年即為更新迄今上四年之七月予猶待罪茲土見其落成翬蓋材工靡不緻好凡殿廡門垣以及肖像金碧亦極壯麗改觀眾請予記其事予自三年來調撫殘區亦有意於獎善懲惡是以可斯舉欣而為之記

長真觀在縣治東北隅有碑記

同上

永清縣

精嚴寺在縣北街置僧會司於內

雍正志

寺有碑末書大明天

啟六年歲次丙寅孟春吉旦賜進士第翰林院庶吉士上林

李若琳撰邑人後學王鴻猷書

縣志

三塔寺在城外東南隅百步蓋唐刹也石幢尙存上書大周

璽歷元年二圓八回武隆縣令聞生元相奉爲金輪璽神武

皇帝造四面像創浮圖一所供養後記上柱國以下官名字

多湮滅

上林案考

寺一名會福寺寺內石幢今尙存

日下寺舊聞考

在塔兒巷有會福禪林碑首書賜進士第奉政大夫奉勅整

飭雁平等關兵備山西提刑按察司僉事邑人張惟誠撰末

書萬歷十一年立

縣志

明邑令王象雲撰金輪塔院石幢碑記略今永清縣爲渾河衝沒之墟平地

沙突丈許城外東南隅百步許有三塔寺蓋唐刹也石幢猶

存紀大周聖歷元年二圓八回二字亦剝落不真以圓爲月

回爲日蓋天后時鳳閣侍郎宗秦客所更置十三字以天爲

而以地爲塋是也聖字作璽亦必宗客所爲又稱武隆縣令

聞生元相奉爲金輪聖神武皇帝造四面像觀浮圖一所供

養時爲天授三年來俊臣等誣狄仁傑七族反遣六道使殺

後補通志卷一百七十九古蹟略寺觀二

流人無數慘毒極矣何神聖之有此魏王武承嗣等五千人
 所上之尊號也天后御萬象神宮受尊號作金輪七寶一口
 金輪寶一口白象寶每朝會置之殿廷此金輪之號所由名
 也時婁師德魏元同徐有功諸君子在朝此千人中有諸公
 之名也今幢上所記上柱國官名甚眾惜字皆湮滅惟一二
 人可辨是聖歷爲唐則天變唐爲周之元年也越五月又改
 延載元年承嗣等二萬六千人上尊號加越古二字金輪聖
 神武皇帝鑑載甚明當時僧法明撰大雲經四卷以太后爲
 彌勒佛下生各置大雲一區僧懷義方造明堂通天堂白馬
 寺此武隆縣令同一時在位諸臣媚頌則天故則天四面像
 借浮圖供養非四面佛像也時則天殺戮唐宗室大臣大義
 幾絕矣向非狄梁公折翼數語何以動其反房陵之心哉又
 縣署之南三里爲金鵲關帝廟於修葺時地中得金鵲一翼
 名也余於草萊中見石幢偃仆埽苔視之則大安年立也大
 安爲遼道宗紀年又於城西义口村寺見殿前爐基以墨榻
 之知爲乾統年所立乾統遼天祥之紀年也道宗在位四十
 餘年猶稱康晏天祚當金人侵逼之餘奔亡之不暇而鄉人
 猶晏然梵宇金碧爲此不急之務噫亦可鑒已 按舊志象
 雲山東新城人天啟乙丑進士崇禎二年任永清知縣碑石
 今存會福寺 唐宋之問題會福塔院詩如湧浮圖近紫霄
 芙蓉仙苑禮羣僚海天遙奉金輪日盡遺禎祥歸聖朝 元
 人會福寺覽古詩浩劫沉埋無處尋空留片石誌雷音元樊
 師去禪宗寂懷義僧來佛性沉淨供武隆餘四像香
 旃威業有雙林房州弟子無人問老刹千年歲月深

龍泉寺有三一在縣西北十五里辛窖村又名龍演寺西阡

有白石塔約高七八丈其基四面雕鏤上共十三層年月款

識俱莫可辨

舊聞考

一在王希村寺內有明隆慶六年歲次

壬申八月所立碑一在縣東南五十里信安鎮明天順五年

比邱僧行奎建溯所自始於釋伽大殿後壁嵌小碣金世宗

大定三年所鐫顏曰勅賜普照禪院

縣志

萬窠寺在縣南信安鎮寺有銅鐘上鐫三十五佛名號下鐫

般若密多心經寺內有順治歲在屠維大淵獻中秋之吉所

立碑

縣志

隆慶寺在縣西义口村殿前香爐石基遼乾統年所立乾統

者遼天祚之紀年也

上林

寺有萬曆十七年己丑孟夏所立

碑

同上

興隆寺在南關鎮東南三里粉王莊寺有嘉靖癸卯二月所

立碑

同上

隆興寺在縣西高七村有明萬厯間雲南道御史傅好禮碑
記云遼開泰三年建塔於此明改爲义口村寺曰隆興今塔
已無存惟殿前有白石香爐一架高廣尺許形製古朴篆文
漶漫不可辨

同上

石各莊大寺在縣南石各莊寺有金王彥珍陀羅尼石幢

同上

禮當寺在縣南塔兒營村寺有明崇正九年三月所立碑

同上

保明寺在西黃村瓦屋辛莊寺有崇禎十一年歲次戊寅十

月庚寅所立碑

同上

保安禪寺在縣南北辛溜村莊嚴伽藍聖像蓋明宣德初僧
覺昂建碑立於成化間久之入土康熙四十年縣人重修掘

地得初所立碑記更峙於殿東角龜趺之上迄今苔暈猶存

又榭西有老槐一株土人傳爲元時所遺

同上

壽延寺在陳各莊寺有金鄭無常石幢末書天會八年歲次

庚戌十月庚午朔四日癸酉建

同上

內興寺在縣東北鄒韓村寺前有天定石幢幢方八面其七面鐫陀羅尼咒一面刻上名氏末書天定二年九月按契丹

國志及遼史俱無天定年號存此備考

同上

興華寺在縣西大青堡寺有碑首書賜進士出身翰林院國

史檢討直起居注館編纂六曹章奏官孔貞時撰末書天啟

六年歲次丙寅孟夏月吉旦

同上

大佛寺在縣南辛溜村寺有智炬如來心破地獄真言石幢
末鐫大宋燕山府永清縣景隆鄉新留里王士宗奉爲亡考

特建

同上

普濟寺在縣西龍虎莊寺有明萬曆三十四年丙午孟夏所

立碑

同上

雙運寺在縣北韓村寺有關帝廟碑末書乾隆九年甲子季

秋永清縣教諭楊聆撰

同上

雲華寺在縣南東義和村寺有碑明嘉靖三年甲申立

同上

洪正寺在縣東張迂務有重修古剎洪正寺並施香火地碑

記崇禎七年甲戌立

同上

觀音寺有六一在辛莊村寺有崇正二年所立碑一在縣西

黎行村寺有崇正五年四月所立碑一在大麻子莊寺有萬

曆四十八年仲夏上浣所立碑寺又有天啟二年季秋所立

碑一在縣南東義和村寺內有古幢幢上有小石方鼎四圍

刻萬曆四十三年歲次乙卯自春亢旱七月初三日落雨閏
八月初八日霜死田苗鄉眾信誠遺刻繼留傳於後早禾半
收晚禾三白黍二豆無一粒按此文明時永清有稻田也一
在縣南西義河村寺有碑末刻大明成化丙午年碑陰刻千
戶王贊百戶徐林孫讓一在縣南南門村漢軍臺寺內有碑
按舊志載番漢軍臺荒略難考此碑文字磨滅過半然按文
索理猶可得其彷彿其云宏治間又云迄今五十年又云丁
未四月按明孝宗宏治後五十年世宗二十六年丁未歲也
碑當立於是年

同上

梵王宮殿在縣西大強村有碑記一通崇正六年癸酉立

同上

崇甯庵在縣西龍虎莊庵有明萬曆二十二年甲午夏四月
所立碑

同上

玉皇閣在龐各莊寺有修建碑記橫卧土中漫滅無字蹟旁

有明碑一通文字大半磨滅就可辨處知碑爲宋時立也文

有宋眞宗字似當時崇尚道教故民間相率爲宮觀也

同上

萬壽宮在龍虎莊有明萬厯三十四年丙午孟夏所建碑

同上

真武廟有四一在縣南東義河村廟有碑末書大明萬厯三

十六年戊申仲春賜進士第兵部武選司郎中兩南朱化孚

撰廟又有鐵鼎銘云明萬厯三十五年五月初一日鑄造鼎

爐一在信安鎮廟有明天啟三年歲次癸亥小春月所立碑

記一在縣西黎行村廟有崇正十一年七月所立碑一在龐

各莊有碑記殘缺無字

同上

正法庵在縣東柴家莊庵有碑乾隆二十一年歲次丙子仲

春月立石

同上

碧霞元君行祠在縣北韓村祠有嘉靖十九年歲次庚子孟

夏所立碑

同上

金鵲廟在縣南三里廟祀關侯修葺時掘地得金鵲二翼故

名草中有遼大安年所立石幢

上林集考

東安縣

定覺寺在縣西北七十里常道鄉唐垂拱三年賜額五代毀

於兵遼天慶間承直郎張銑復爲建立至金天會四年成正

隆間韓承彥重修大定元年楊俊卿復新之

縣志

廣善寺在徐村里固城莊卽唐靈應寺

同上

甯國寺在留犢里金大定三年村民曹瑛建有碑存

同上

謹案縣志又云留犢村在縣西北六十里魏鉅鹿時苗爲

壽春令及歸留犢而行回經於此因以名里

淨安寺在惠化鄉明宣德三年建正統四年賜額碑存

同上

廣嚴寺在縣西寺始建於縣西之郭外燬於兵英宗朝邑人

孟仕仲捨宅改創於縣西之郭內

同上

靈巖寺在縣東北五十里鳳河之南金大定五年僧洪寶建

同上

廣福寺在縣西北五十里金天會中建大定三年僧會頤請

賜額

雍正志

古營寺在縣境金明昌五年建

縣志

團城寺在縣境金明昌六年建

縣志

按古營團城二寺今俱廢

舊

日下
間考

謹案舊志載大有悲禪院在閭家堡今地屬大興縣不隸

縣界故未編入

香河縣

隆安寺在縣治東明成化中重修有禮部郎中直文淵閣關

西倪讓碑中書舍人直文淵閣廣昌王禮書縣志按寺在城西

俗名東大寺以其在縣治之東故得此名也寺漸就頽圯明

時倪讓碑尙存

日下舊聞考

靈塔在寺方丈塔廢僅存銘石高五

尺許八角闊徑尺元時僧定仁塔也

縣志元大都路香河縣坊市西道院仁公塔

記略師諱定仁淑陽人俗姓陳氏幼出家禮隆安爲師得法於幽居道人至元七年八月示寂大德三年八月比邱僧定

書丹倪讓寺碑略香河縣闔閭中有寺曰隆安宣德間僧會福海兼住持本山幾欲修葺竟不果嗣法高徒戒明衣鉢

相傳承師故任仍兼住持見其本山歷歲滋久風雨震陵日就傾圯遂興復自任徧叩諸貴宦長者檀越處持疏募緣營

州前屯衛指揮吳旺等首倡贊助翕邑士眾莫不量力喜施十日召匠就傭市材陶甃百工鳩舉殿宇山門禪堂方丈厨

庫僧舍供具僧用咸備中殿毘盧佛千戶陳剛獨任工焉羅漢及諸聖賢次第而完繪綵丹堊金碧交映煥然一新工啟

成化三年落成成化七年主僧戒明欲立石紀其營繕之歲月書聞寺背有一龜跌湮沒無訪主僧每自諸聖前虔誠懇

祝以龜跌請禱一日羣兒戲於寺前忽一兒見之於淺土中入寺走報遂命工廣穴引出土眾聚觀無不駭異咸曰主僧虔誠所致云千戶張盛欲市石徵文用旌其事竟弗克乃子震承任而繼父志一日主僧戒明協武成中衛千戶王英謁余紀之用垂不朽云爾大明成化十二年歲舍丙申孟夏吉日僧會司僧舍兼住持本山比丘戒明立石

隆興寺在縣治西俗呼西大寺康熙八年重建雍正志寺前塔

高十餘丈建自元時圯於明嘉靖間僅存遺址至萬厯壬子

知縣徐一鳴壘石高之以爲文筆峯縣志寺在城西北隅寺及

塔俱漸頽廢明時邑教諭馬如龍重修碑記萬厯四十年立

今尙存日下舊聞考

謹案縣志載有馬如龍所撰文筆峯記文字漫漶不可卒

讀故未具錄

鐵佛寺在縣東南十六里縣志寺舊有鐵佛高丈餘元至正中

佛見夢於僧曰吾緣法不當住此將辭汝去僧以鐵鑲鑲佛

臂一夕竟移去東光寺獨所鑲臂存至今爲寺供養

燕山叢錄

香城塔在縣南二十里

縣志

案塔今尙高五丈餘塔之左有寺

曰棲隱寺內有康熙六十一年住持僧德意重修碑記稱寺

與塔俱係遼時建

日下舊聞考

通州

靖嘉寺在州東原名慈恩寺元至元二年建明初置僧正司

於內天順二年賜今額宏治十年災正德十年重修俗呼爲

大寺

州志

按寺在城東隅今前殿僅存

日下舊聞考

文彭

荒烟合巍然三殿存迴廊餘磴石曲徑滿苔痕歲久累窳暗庭閒鳥雀喧獨憐車馬客一宿戀空門

淨安寺在州治東南金大定十三年建

州志

佑聖教寺在城西北隅寺內建有浮圖十三層高二百八十

尺下作蓮花臺座高百二十尺周圍百四尺虛其中以祀佛